



CAWANGAN PENTADBIRAN
HOSPITAL KUALA LUMPUR
JALAN PAHANG
50586 KUALA LUMPUR

Tel : 03-26155555 ext 5093
Fax : 03-26155090
Website : www.hkl.gov.my

Ruj. Kami : HKL/TAD/98/1/9 Jld. 33 (15)
Tarikh : 15 Januari 2024

Ketua Jabatan
Nefrologi
Hospital Kuala Lumpur

Tuan/Puan,

MAJLIS PERHIMPUNAN BULANAN HOSPITAL KUALA LUMPUR BAGI BULAN FEBRUARI 2024

Dengan segala hormatnya saya merujuk kepada perkara di atas.

2. Sukacita dimaklumkan bahawa pihak Pengurusan Hospital Kuala Lumpur (HKL) telah memilih **Jabatan Nefrologi** sebagai pengajur bagi Majlis Perhimpunan Bulanan untuk bulan Februari 2024 pada ketetapan berikut:

Tarikh : 23 Februari 2024 (Jumaat)
Masa : 7.30 pagi
Tempat : Auditorium Utama, HKL

3. Bersama-sama ini disertakan **Aturcara Majlis, Teks Ikrar Perkhidmatan Awam, Teks Rukun Negara dan Teks Bacaan Doa** untuk makluman dan rujukan pihak tuan/puan selanjutnya. Pihak tuan/puan adalah dipohon untuk membuat persiapan dengan merujuk panduan seperti di **Lampiran 1**. Demi kelancaran perjalanan majlis, **Jabatan Nefrologi** perlu memaklumkan kepada Cawangan Pentadbiran sekiranya terdapat sebarang perubahan atau tambahan ke atas aturcara perhimpunan tersebut.

4. Kerjasama dan perhatian pihak tuan/puan bagi menjayakan pengajuran Majlis Perhimpunan Bulanan ini adalah amat dihargai dan didahului dengan ucapan terima kasih.

Sekian.

"MALAYSIA MADANI"

"BERKHIDMAT UNTUK NEGARA"

Saya yang menjalankan amanah,

(AZWAN BIN KADIR)
Cawangan Pentadbiran
b.p. Pengarah
Hospital Kuala Lumpur

s.k.:

1. YBhg. Datin Paduka Dr. Pengarah HKL
2. Timbalan Pengarah (Pengurusan)
3. Timbalan Pengarah (Perubatan)
4. Timbalan Pengarah (Sokongan Klinikal)
5. Timbalan Pengarah (Pembedahan)
6. Timbalan Pengarah (Farmasi)

7. Ketua Cawangan Sumber Manusia } *Kerjasama pihak tuan/puan dipohon untuk menyediakan maklumat Pegawai bertukar keluar/masuk, kenaikan pangkat dan lantikan baru.*

8. Ketua Cawangan Kewangan
9. Ketua Cawangan Teknologi Maklumat - *Mohon kerjasama pihak tuan/puan untuk hebahan melalui website HKL*
10. Ketua Unit Komunikasi Korporat - *Mohon kerjasama pihak tuan/puan untuk Penyediaan Montaj Aktiviti bulanan HKL serta slide show penghargaan*
11. Ketua Penyelia Hospital
12. Ketua Penyelia Jururawat
13. Ketua Unit Perpustakaan
14. Ketua Unit Pendidikan Kesihatan - *Kerjasama pihak tuan dipohon untuk Perkhidmatan Jurugambar dan urusan Sistem Audio*
15. Ketua Cawangan Keselamatan - *Kerjasama pihak tuan dipohon untuk membantu persiapan pentas bagi acara menaikkan Bendera*
16. Pengurus Besar Syarikat Radicare (M) Sdn. Bhd.- Cawangan HKL *Kerjasama pihak tuan/puan adalah dipohon untuk urusan bunga-bunga untuk hiasan dan lain-lain yang berkenaan.*

**PANDUAN BAGI PERSIAPAN MAJLIS PERHIMPUNAN BULANAN
HOSPITAL KUALA LUMPUR**

A. JABATAN NEFROLOGI

1. Melantik Juruacara Majlis.
2. Nyanyian **LAGU WAJIB:**
 - i) **Negaraku dan;**
 - ii) **Kami Sedia Membantu**
3. Melantik Pembaca IKRAR
 - i) **Perkhidmatan Awam; dan**
 - ii) **Rukun Negara**
4. Melantik Pembaca Doa
5. Cawangan Pentadbiran akan mengeluarkan surat jemputan untuk YBhg. Datin Paduka Dr. Pengarah, Timbalan-Timbalan Pengarah, Ketua Jabatan dan Ahli Lembaga Pelawat HKL serta warga HKL dan akan diberikan kepada pihak Jabatan Nefrologi.
6. Menyediakan Ucapan Ketua Jabatan Nefrologi.
7. Menyediakan Ucapan Pengarah Hospital.
8. Persembahan Montaj dan persembahan kebudayaan (sekiranya ada) dari Jabatan Nefrologi.
9. Penyampaian Anugerah serta sijil-sijil (sekiranya ada) dari Jabatan Nefrologi.
10. Mendapatkan slot untuk Multimedia bagi aktiviti bulanan di HKL dari Unit Komunikasi Korporat.
11. Menyediakan Slide Kakitangan Baru yang bertukar masuk, bertukar keluar dan naik pangkat kekal di HKL dengan merujuk kepada senarai maklumat yang diberikan oleh Cawangan Sumber Manusia.
12. Menyusun-atur tempat duduk YBhg. Datin Paduka Dr. Pengarah, Timbalan-Timbalan Pengarah dan Ahli Lembaga Pelawat HKL mengikut kekananan dan susunatur senarai jemputan yang lain dengan merujuk kepada Cawangan Pentadbiran.

**ATURCARA
MAJLIS PERHIMPUNAN BULANAN HKL
Anjuran Jabatan Nefrologi, HKL**

MASA	PERKARA
7:30 PAGI	KETIBAAN PEGAWAI DAN WARGA HOSPITAL KUALA LUMPUR
:	KETIBAAN PENGARAH HOSPITAL KUALA LUMPUR
	(NAMA PENUH & JAWATAN PENGARAH)
:	NYANYIAN LAGU NEGARAKU
:	NYANYIAN LAGU KAMI SEDIA MEMBANTU
:	BACAAN IKRAR & RUKUN NEGARA
:	BACAAN DOA
:	PERSEMBAHAN MONTAJ DARI JABATAN NEFROLOGI
:	UCAPAN ALUAN KETUA JABATAN NEFROLOGI
	(NAMA PENUH & JAWATAN KETUA JABATAN)
:	UCAPAN ALUAN PENGARAH HOSPITAL KUALA LUMPUR
	(NAMA PENUH & JAWATAN PENGARAH)
:	PENYAMPAIAN ANUGERAH DAN SIJIL-SIJIL
:	PERSEMBAHAN MONTAJ AKTIVITI BULANAN DAN <i>SLIDE SHOW</i>
	PENGHARGAAN OLEH UNIT KOMUNIKASI KORPORAT, HKL
:	PERSEMBAHAN <i>SLIDE SHOW</i> PEGAWAI BAHRU, BERTUKAR KELUAR
	DAN MASUK, NAIK PANGKAT DAN BERSARA OLEH CAWANGAN
	SUMBER MANUSIA, HKL
9:30 PAGI	BERSURAI

* SUKACITA DIMAKLUMKAN ATURCARA INI ADALAH DITETAPKAN OLEH PIHAK URUSETIA SEBAGAI RUJUKAN MENGATUR CARA MAJLIS, SEKIRANYA TERDAPAT SEBARANG PERUBAHAN SILA MAKLUM KEPADA CAWANGAN PENTADBIRAN UNTUK TINDAKAN SETERUSNYA.



IKRAR PERKHIDMATAN AWAM

KAMI

YANG TELAH DILANTIK BERKHIDMAT

DENGAN KERAJAAN MALAYSIA

MEMBUAT IKRAR DI SINI

BAHAWA SEMASA DAN SELAGI

KAMI BERKHIDMAT DENGAN KERAJAAN,

KAMI AKAN PATUH

DENGAN MENGAMALKAN TERAS-TERAS PERKHIDMATAN

SEMASA MENJALANKAN TUGAS

KE ARAH INI KAMI:

- BERAZAM MENINGGIKAN MUTU PERKHIDMATAN;
- BEKERJA DENGAN PENUH TANGGUNGJAWAB;
- BERUSAHA MENGIKIS SIKAP MEMENTINGKAN DIRI SENDIRI;
- BERKHIDMAT DENGAN PENUH MUHIBBAH DAN KEMESRAAN;
- BEKERJA KE ARAH MEMAJUKAN PEMIKIRAN RAKYAT DAN PEMBANGUNAN NEGARA;
- BEKERJASAMA DALAM MEMBANTERAS KELEMAHAN DAN MUSUH-MUSUH NEGARA; DAN
- BERPEGANG TEGUH KEPADA AJARAN AGAMA.



RUKUN NEGARA

Bahwasanya Negara Kita Malaysia
Mendukung cita-cita hendak:

Mencapai perpaduan yang lebih erat dalam kalangan
seluruh masyarakatnya

Memelihara satu cara hidup demokratik

Mencapai satu masyarakat adil di mana kemakmuran Negara
akan dapat dinikmati bersama secara adil dan saksama

Menjamin satu cara liberal terhadap tradisi-tradisi
kebudayaannya yang kaya dan pelbagai corak

Membina satu masyarakat progresif yang akan menggunakan
sains dan teknologi moden

**MAKA KAMI, rakyat Malaysia, berikrar akan
menumpukan seluruh tenaga dan usaha kami
untuk mencapai cita-cita tersebut berdasarkan
atas prinsip-prinsip yang berikut:**

**KEPERCAYAAN KEPADA TUHAN
KESETIAAN KEPADA RAJA DAN NEGARA
KELUHURAN PERLEMBAGAAN
KEDAULATAN UNDANG-UNDANG
KESOPANAN DAN KESUSILAAN
KESOPANAN DAN KESUSILAAN**

**A
(MUKADIMAH)**

**B
(PRINSIP)**

CATATAN:

BAHAGIAN A : Hanya dibaca oleh Ketua Pembaca Ikrar atau Pengacara Majlis tanpa mengangkat tangan

BAHAGIAN B : Dilafaz oleh semua hadirin dengan mengangkat tangan

BACAAN DOA

بِسْمِ اللَّهِ الرَّحْمَنِ الرَّحِيمِ

اَلْحَمْدُ لِلَّهِ رَبِّ الْعَالَمِينَ وَالْعَاقِبَةُ لِلْمُتَقْبِلِينَ وَلَا عُذْوَانَ إِلَّا عَلَى الظَّالِمِينَ وَالصَّلَاةُ وَالسَّلَامُ
عَلَى اَشْرَفِ الْأَنْبِيَاءِ وَالْمُرْسَلِينَ وَعَلَى ءَالِهِ وَصَاحِبِهِ اَجْمَعِينَ.

Allahumma Ya Allah, kami menadah tangan merafa'kan kesyukuran kepadamu di atas segala limpahan nikmat dan rahmat serta diberikan keizinan dihari yang berbahagia ini dapatlah kami menghadirkan diri bersempena dengan Perhimpunan Bulanan (...) pada kali ini.

يَا اللَّهُ يَا كَرِيمُ

Di hari yang mulia ini, kami memohon restu dari-Mu agar khidmat bakti kami yang telah lalu dan akan datang dijadikan perkhidmatan yang direhdai. Pertuturan kami, pertuturan yang disenangi, pendengaran kami, pendengaran yang direstui, penglihatan kami, penglihatan yang diberkati, amalan kami amalan yang dirahmati, pengorbanan kami pengorbanan yang disyukuri dan jasa kami jasa yang diingati.

يَا اللَّهُ يَا شَكُورُ

Kami memohon kepada-Mu agar khidmat bakti kami ini sentiasa diberi petunjuk dan hidayah dalam melaksanakan tugas yang diamanahkan. Bukanlah pintu hati kami untuk menjadi manusia yang paling sempurna, manusia yang berjiwa waja, sentiasa sanggup menghadapi rintangan dan cabaran demi menjana dan memartabatkan agama, bangsa dan negara Malaysia yang tercinta.

يَا اللَّهُ يَا رَسِيْدُ

Jadikanlah khidmat bakti kami ini perkhidmatan yang dicontohi dan disegani, eratkanlah kasih sayang di kalangan kami, limpahkanlah cahaya petunjuk untuk kami terus melaksanakan tanggungjawab memberi perawatan yang berkualiti demi kesejahteraan masyarakat dan negara.

اللَّهُمَّ اجْعَلْ جَمِيعًا هَذَا جَمِيعًا مَرْحُومًا وَتَفَرَّقَنَا مِنْ بَعْدِهِ تَفَرَّقَنَا مِنْ بَعْدِهِ مَغْصُومًا وَلَا تَجْعَلْ فِينَا وَلَا
مَعَنَا شَقِيقًا وَلَا مَطْرُودًا وَلَا مَحْرُومًا. {رَبَّنَا ءَاتَنَا فِي الدُّنْيَا حَسَنَةً وَفِي الْآخِرَةِ حَسَنَةً وَفِتْنَةٌ
عَذَابُ النَّارِ} وَأَدْخِلْنَا الْجَنَّةَ مَعَ الْأَبْرَارِ يَا عَزِيزُ يَا غَفَّارُ يَا رَبَّ الْعَالَمِينَ وَصَلَّى اللَّهُ عَلَى
سَيِّدِنَا مُحَمَّدٍ وَعَلَى ءَالِهِ وَصَاحِبِهِ اَجْمَعِينَ وَالْحَمْدُ لِلَّهِ رَبِّ الْعَالَمِينَ.